

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Joh. Jonstoni Thaumatographia Naturalis**

**Jonston, Jan**

**Amstelodami, 1661**

Caput VII

**urn:nbn:de:bsz:31-97032**



piti infirmi supplicum, somnum illi conciliat; rasum cum melle ventris fluxum sistit; adustum lethargicos excitat. In *Egypto* quinos fetus parere dicuntur. In causa est Nili aqua, quæ sterilibus & inopibus lactis propinatur. Syrii revolutionem indicant. Nam quoties cum Sole oritur, in ortum conversæ respiciunt. *Plutarch.* In *Africa* parte tonitruales sunt, & ex villis earum fiunt rudentes: pluvias præsentunt Lybicæ. Nam ut extra *Caprile* processerunt, concitato cursu ad passionem accedunt, mox ad stabulum convertuntur. *Alian.* *Gymanteæ* sex non bibunt mensibus, sed mare intuentes, ore hiantes auras excipiunt, inde levatur sitis. *Mambriya* fert equitantes, sellam & frenum admittit; ad terram illi auriculæ demissæ, cornua revoluta sub ore: *Gefn. l. 1. Quadrup.* *Sylvestres* in *Lybia* boum commemorantur magnitudine, tam agiles, ut in distantissima saliant cacumina, tanta membrorum duritie, ut nec frangant cornua, nec caput diminuant delapsæ. *Alian. l. 14. c. 16.*

CAPUT VIII.  
DE CASTORE & COLO.

**M**orsu potentissimum *Castor* animal est, non prius concursum laxat dentium, quam ossa concrevisse audiverit. *Plin.* Anseris illi posteriores pedes, simiæ priores. Squammoso corio præpinguis tegitur cauda, gubernaculi vice pisces cum persequitur. Noctu prodit ex latibulis, & amputatis arborum ramis circa fluvios, casâs cum superiore tabulato construit, in his crescente aqua habitat. *Albert.* Resecti, maxime placent, uni resupinato inter crura deponuntur. Comprimunt hic ne dilabantur, cauda ad casâs trahunt reliqui. *Colus* quadrupes fera, est apud *Scythas* & *Sarmatas*, magnitudine inter cervum & arietem. Albicat corpore, cursu valet. Naribus potum ad caput trahit, per aliquot dies retinet, adeo ut per carentes aquis agros pabulum facile carpat. *Strab. l. 7.*  
Obam.